



**Resolución do 24 de outubro de 2016 da Dirección Xeral de Educación, Formación Profesional e Innovación Educativa pola que se convoca o programa Lanzadeiras Lugo para o desenvolvemento de proxectos de miniempresas educativas en centros públicos dependentes da Consellería de Cultura, Educación e Ordenación Universitaria na provincia da Lugo durante o curso escolar 2016/2017.**

O programa Lanzadeiras Lugo desenvólvese dentro do plan Emprendemento no Sistema Educativo de Galicia, **eduemprende** que supón unha aposta clara e firme pola implantación na comunidade educativa dos niveis non universitarios da cultura emprendedora. O plan **eduemprende** constitúese como o marco onde coordinar as sinerxías en materia emprendedora que actúen sobre o sistema educativo, ordenando e planificando a súa aplicación. O obxectivo global deste plan é lograr un avance sensible na cultura do emprendemento no noso alumnado e propor instrumentos que permitan coñecer os logros alcanzados.

Para alcanzar este obxectivo o plan **eduemprende** incorpora un conxunto de actuacións estruturadas en catro eixos estratéxicos: sensibilización e motivación, capacitación emprendedora, fomento e apoio da empresariedade e coordinación e aproveitamento de iniciativas. O programa Lanzadeiras Lugo, atendendo aos seus obxectivos e características, abarcaría os dous primeiros eixes xa que desenvolve accións que fomentan a cultura emprendedora motivando e impulsando no alumnado habilidades para o emprendemento.

O espírito emprendedor é un dos motores principais da innovación, a competitividade e o crecemento da economía. Desde hai anos, observouse unha correlación positiva e sólida entre o fomento do espírito emprendedor e os resultados económicos en termos de crecemento, supervivencia de empresas, innovación, creación de emprego, cambio tecnolóxico e incremento da produtividade.

A Consellería de Cultura, Educación e Ordenación Universitaria quere impulsar iniciativas e proxectos innovadores que fomenten a educación emprendedora a través de proxectos que impliquen a colaboración dos equipos docentes, a dinamización da comunidade educativa e a conexión co entorno, todo isto potenciando as capacidades profesionais e persoais do alumnado.

Esta acción establécese dentro dun ámbito de colaboración entre a Consellería de Cultura, Educación e Ordenación Universitaria e a Fundación Alcoa para promover o espírito emprendedor así como para favorecer o desenvolvemento das calidades persoais tales como a creatividade, a iniciativa, a asunción de riscos, a responsabilidade e a innovación.



De acordo co anteriormente exposto, esta dirección xeral,

DISPÓN:

### **Artigo 1. Obxecto da convocatoria.**

Esta resolución ten por obxecto convocar o programa Lanzadeiras Lugo dirixido á creación de miniempresas educativas en centros de ensino non universitario sostidos con fondos públicos dependentes da Consellería de Cultura, Educación e Ordenación Universitaria na provincia da Lugo durante o curso escolar 2016/2017.

### **Artigo 2. Destinatarios.**

Alumnado de 6º de primaria, 1º, 2º, 3º e 4º de ESO, bacharelato e Formación Profesional de centros educativos sostidos con fondos públicos da provincia da Lugo.

### **Artigo 3. Definición do programa.**

O programa Lanzadeiras Lugo ten a finalidade de promover a innovación e o emprendemento en todas as etapas do sistema educativo co obxectivo de potenciar as competencias profesionais, sociais e persoais do alumnado. Trátase dun programa que busca un avance no desenvolvemento do espírito emprendedor no alumnado favorecendo a adquisición de hábitos e condutas emprendedoras.

Con este programa preténdese lograr os seguintes obxectivos:

1. Transmitir a cultura emprendedora ao alumnado da provincia da Lugo.
2. Concienciar ao alumnado da opción profesional “por conta propia”.
3. Proporcionar ao alumnado unha formación específica e práctica sobre como por en marcha unha empresa.
4. Promover o desenvolvemento de calidades persoais relacionadas co espírito emprendedor.
5. Inculcar a cultura emprendedora desde as etapas iniciais da ensinanza.
6. Organizar actividades baseadas na aprendizaxe a través da práctica incidindo nas habilidades e destrezas do alumnado.
7. Fomentar activamente a creación de miniempresas educativas nos centros reproducindo de forma realista o funcionamento das empresas.
8. Sensibilizar á comunidade educativa da importancia de construír e fomentar unha nova cultura emprendedora.
9. Dar a coñecer á sociedade este tipo de actuacións.

O profesorado que participe no programa Lanzadeiras Lugo contará co apoio e asesoramento de persoas expertas tanto de forma presencial como a distancia.



#### **Artigo 4. Candidaturas.**

1. Os centros solicitantes presentarán unha solicitude por proxecto.
2. Un docente do centro solicitante asumirá as funcións de coordinador do proxecto, co fin de asegurar o contacto e a comunicación regular entre os participantes, promover unha colaboración eficaz e facilitar a distribución e realización do traballo en equipo.

#### **Artigo 5. Prazo de presentación.**

1. As solicitudes para participar na presente convocatoria presentaranse no prazo de vinte días naturais a partir do día seguinte ao da publicación desta resolución na páxina web da Consellería de Cultura, Educación e Ordenación Universitaria <http://www.edu.xunta.es/fp>
2. Os centros participantes deberán enviar a súa solicitude, segundo o modelo que figura no Anexo I, xunto coa descrición do proxecto, no seguinte enderezo de correo electrónico: [eduemprende@edu.xunta.es](mailto:eduemprende@edu.xunta.es). Indicarase no asunto Programa Lanzadeiras Lugo.
3. No caso de presentar máis dun proxecto, os centros enviarán unha solicitude por cada un deles.
4. Unha vez rematado o prazo de presentación de solicitudes publicarase a listaxe de proxectos aprobados na páxina web da Consellería de Cultura, Educación e Ordenación Universitaria: <http://www.edu.xunta.es/fp/eduemprende-lanzadeiras>

#### **Artigo 6. Documentación.**

Para participar neste programa é necesario presentar a seguinte documentación:

1. Solicitude, segundo o modelo de Anexo I.
2. Descrición do proxecto seguindo os apartados establecidos no Anexo II. A extensión máxima será de 20 páxinas, en formato DIN A4, letra Arial tamaño 12 e interliñado sinxelo. Os proxectos deberán estar redactados en galego.

#### **Artigo 7. Desenvolvemento do programa.**

O programa Lanzadeiras Lugo desenvolverase atendendo ás seguintes fases:

1. Presentación de solicitudes segundo se recolle no artigo 4.
2. Comunicación e publicación dos proxectos aprobados nesta convocatoria.
3. Formación do profesorado implicado nos proxectos.



4. Apoio en liña ao profesorado implicado nos proxectos durante toda a duración do proxecto.
5. Desenvolvemento do proxecto nos centros educativos de xaneiro a maio.
6. Entrega de memorias ata o 15 de xuño de 2017.
7. Clausura do proxecto e exposición das miniempresas en xuño de 2017.

#### **Artigo 8. Comisión de selección.**

1. Unha vez pechado o prazo de solicitude de participación a comisión de selección avaliará os proxectos presentados segundo os criterios que figuran no artigo 9.
2. A Comisión de Selección estará integrada polos seguintes membros:
  - A persoa titular da Subdirección Xeral de Formación Profesional que actuará como presidente/a.
  - Xefe/a de servizo da Subdirección Xeral e Formación Profesional.
  - Un membro da Inspección Educativa
  - Unha persoa asesora da Subdirección Xeral de Formación Profesional que actuará como secretario/a con voz pero sen voto.

#### **Artigo 9. Criterios de valoración.**

Para a valoración dos proxectos terase en conta os seguintes criterios ata un máximo de 10 puntos.

1. Carácter innovador do proxecto. (2 puntos)
2. Implicación de diferentes áreas, materias ou módulos. (2 puntos)
3. Planificación e viabilidade do proxecto. (2 puntos)
4. Plan de difusión. (2 puntos)
5. Plan de avaliación. (2 puntos)

#### **Artigo 10. Dotación orzamentaria.**

Os proxectos seleccionados serán obxecto de financiamento con cargo á achega da Fundación Alcoa.



#### **Artigo 11. Resolución.**

1. A comisión de selección, unha vez valorados os proxectos presentados, realizará unha proxecto de resolución desta convocatoria, que elevará ao Director Xeral de Educación, Formación Profesional e Innovación Educativa, quen ditará resolución.
2. A resolución de aprobación dos proxectos de miniempresas publicarse na páxina web: <http://www.edu.xunta.es/fp/eduemprende-lanzadeiras>

#### **Artigo 12. Pagamento.**

1. O importe da achega económica será transferido nun pago único a o centro educativo participante.
2. Os gastos teñen que imputarse na súa totalidade antes do 15 de xuño de 2017.

#### **Artigo 13. Desenvolvemento e xustificación.**

1. O desenvolvemento do proxecto deberá realizarse durante o curso académico 2016/2017
2. O centro educativo participante remitirá á Dirección Xeral de Educación, Formación Profesional e Innovación Educativa (ata o 15 de xuño de 2017) a memoria final cos apartados que se indican no Anexo III.
3. A non entrega da memoria final do proxecto no prazo indicado poderá ser causa de revogación das cantidades asignadas, debendo proceder ao reintegro da cantidade percibida, sen prexuízo das responsabilidades que se lle poidan exixir.
4. As memorias enviaranse por correo electrónico ao seguinte enderezo: [eduemprede@edu.xunta.es](mailto:eduemprede@edu.xunta.es). Indicarase no asunto Memoria Programa Lanzadeiras Lugo.

#### **Artigo 14. Certificación.**

Os proxectos presentados serán recoñecidos pola Administración Educativa como actividades de innovación educativa, cunha equivalencia de 30 horas de formación permanente do profesorado para o profesorado coordinador e 20 horas para o profesorado colaborador.

#### **Artigo 15. Compromisos dos centros educativos seleccionados coa Consellería de Cultura, Educación e Ordenación Universitaria.**

1. Os centros participantes comprométese a colaborar nas accións de difusión e publicación das experiencias que se organicen, así como a cesión a favor da



**XUNTA DE GALICIA**

CONSELLERÍA DE CULTURA, EDUCACIÓN  
E ORDENACIÓN UNIVERSITARIA

Edificio Administrativo San Caetano, s/n  
15781 Santiago de Compostela  
[www.edu.xunta.es](http://www.edu.xunta.es)

galicia

Consellería de Cultura, Educación e Ordenación Universitaria dos dereitos de edición e difusión

2. O seguimento dos proxectos poderá incluír visitas aos centros polo persoal que determine a Dirección Xeral de Educación, Formación Profesional e Innovación Educativa.



## ANEXO I

### SOLICITUDE DE INSCRIPCIÓN

DATOS DO CENTRO					
NOME DO CENTRO		CÓDIGO DO CENTRO		CIF	
ENDEREZO		C.P	LOCALIDADE	CONCELLO	PROVINCIA
TELÉFONO		FAX		ENDEREZO ELECTRÓNICO	
PROFESOR/A COORDINADOR/A		TELÉFONO CONTACTO		DE ENDEREZO ELECTRÓNICO DE CONTACTO	
Nº DE ALUMNOS/AS PARTICIPANTES		CURSO		ÁREAS/MATERIAS/MÓDULOS	
PROFESOR/A COLABORADOR/A					
SINATURA DO DIRECTOR/A DO CENTRO SOLICITANTE			SINATURA DA PERSOA COORDINADORA		
Lugar e data					



## ANEXO II

- Nome da miniempresa
- Breve definición
- Obxectivos
- Fases
- Proxecto de orzamento
- Selección dos participantes
- Selección de participantes
- Organigrama
- Avaliación
- Participación da comunidade educativa
- Difusión da proxecto





## **ANEXO III**

### 1.- Presentación da miniempresa

- Nome da empresa
- Forma xurídica
- Data de constitución
- Sector da actividade
- Breve resumo

### 2.- Actividades realizadas

- Organización e desenvolvemento

### 3.-Resultados obtidos

- Relación dos resultados e valoración dos mesmos

### 4.- Xestión económica

### 5.-Conclusións